



禁煙
宣傳
大綱

江蘇省禁煙委員會印發



MG
D693.98
2



禁烟宣傳大綱

一、烟禍之由來

鴉片流毒中國。已百有餘年。先是英人既奪葡萄牙人東亞貿易之特權，乃將其屬地印度所產之鴉片，大批販運來華，以戕賊我國人之身體，吸收我國人之金錢。至清道光十六年，英人私運來華之鴉片，竟達三萬餘箱，值銀二千餘萬兩。道光十九年，林則徐奉命赴粵禁烟，將英人鴉片數萬箱焚燬，與英人發生衝突，英政府謀粵不逞，乃遣派海軍，猛攻

禁烟宣傳大綱

江浙福建河北各海口，我軍大敗；結果簽訂和約，賠償英人鴉片煙價及兵費共二千一百萬兩，割讓南海要塞之香港，開放五口通商，即所謂鴉片戰爭及南京條約是也。喪師辱國，失地賠款，開訂立不平等條約之惡例，形成今日次殖民地之地位，吾人撫摩創痕，默察隱患，能不痛下決心，以求禁絕之耶？

二、鴉片之禍害

我國慘受鴉片之毒害，罄竹難書，百餘年來，弱國病民

，其禍迄未稍已，舉凡外交之失敗，國權之喪失，政治之紛亂，經濟之落後，推而至於民德之墮落，民智之退步，民生之凋弊，莫非此物爲之厲階。茲請將其禍害分述於後：

甲、對於個人之禍害

(一)傷身。——鴉片富麻醉性，吸之可以刺激神經。取快一時，而耗損則重。吸之既久，神經趨於麻痺，體魄於以斲喪；精神因而萎靡。大都染此癖者，日惟蠶臥斗室，橫陳一榻，既不肯以事業勞其心力，又不能以運動鍛其體力；但尋

禁烟宣傳大綱

四

其樂趣於吐霧吞雲，更安望其健壯如生龍活虎？故吸烟成癮，未有不面黃肌瘦，形容枯槁者，洵至少者夭亡，老者亦促其壽。其傷人身體如此，顧世人猶爭嗜之，甚至大可有爲之青年亦趨之若鶩，不亦大可哀哉！

二 耗財。——初吸鴉片者，以所費無幾，固未嘗計及金錢之損失無窮也。迨吸食成癮，欲罷不能，雖明知耗財過鉅，而不得不忍痛以坐視其財產之耗損！且吸烟愈久，烟癮愈深；烟癮愈深，所費愈大。故染烟癖者，大都始則歲入足以

自給，繼則日漸不支，債台高築，終則傾家蕩產，甚至托鉢沿門，野餐露宿！即富有之家，有金山可恃，終不敵烏烟一吸，遲早之間，必致風流雲散。其尤可憐憫者，即財已盡，家已毀，而烟仍不可不吸；雖求爺拜姆，磕頭揮涕，乞討所得之錢，寧可不易冷飯殘肴以求腹飽，而必盡擲之於烟霞館中。煙之爲禍於人，固有如是者！

(三)敗德。——鴉片之爲物，不獨能戕人身體，耗人財物，且能敗人品德。蓋吸鴉片者，體弱神疲，苟延性命，負重

致遠，實有未能。必耗財，耗財必貧困，貧困必設詭謀，以維持其生活，不復顧及品德矣！故鴉片實為敗德之原，使智者為昏庸，賢者成不肖，言之痛心！

(四)禍家。——普通家庭，量入為出，苟有一人身染烟癮，即少一人之收入，增巨量之支出，貧乏之家，固不必論，即富有之家，亦未有不瞬即破產，妻離子散者。且一般家庭中，雍睦和順，充滿慈孝友愛氣象；若有染烟癮者，以財力之消耗，德行之破敗，必至室人交譎，骨肉漸疎，家庭幸福，

消滅殆盡。蓋吸烟成癖，即成廢人，家中各事，咸置不理，天倫友愛，視若等閒，不但不能分負家庭之責任，反增加家庭之痛苦，俾晝作夜，生活顛倒，而欲求家庭之幸福，安可得哉。甚且骨肉離散，大廈易主，舉家流離同入地獄，故欲求家庭幸福者，應努力剷除此害！

(五)廢業。——有烟癖者，精神多不濟，而必與懶爲緣。懶則不能耐勞耐苦，克勤克儉。不能耐勞耐苦，克勤克儉，則必敗事廢業。故業農者染烟癖，則農事荒。經商者染烟癖

，則商業敗。總之，吸鴉片者，有業者必趨於失業，失業者必終於不能有業，吾人觀夫世之以吸鴉片而廢業者屢矣，以廢業而蒙受失業之痛苦者亦衆矣。而世人顧猶有嗜之者，何也？

乙、對於民族之禍害

(一) 影響民族之健康。——民族乃由個人集合而成，苟一民族之份子多數吸食鴉片，以至於身體頹弱，精神萎靡；則全民族之力量，如何充實？全民族之精神，如何振奮？且吸

食鴉片以成癮者，其所育子女，亦必因遺傳而衰弱，是鴉片不獨影響於民族目前之健康，且影響於民族將來之健康，鴉片爲害之烈，可知矣！

(二) 墮落民族之地位。——我國歷年與外國訂立各項禁烟條例甚夥，例如前清光緒三十四年禁運嗎啡鴉片及藥針章程，宣統三年禁限嗎啡來華新章，民國二年海牙和會國際鴉片條約，以及國際聯盟禁烟委員會歷次會議；其直接影響於我國者，更屬至重且巨。年來國內戰爭，烟禁廢弛，屢受列邦

之責難，大損國家之威信。民國十三年我國代表在日內瓦國際禁烟大會之失敗，及十七年九月日內瓦國際聯盟大會通過英國遠東鴉片調查團之提案，胥足以証明我國國際信用之崩壞及民族地位之低落，此皆鴉片之爲祟也。

(三) 危害民族之生存。——中國國民黨總理 孫中山先生所創立之三民主義，列民族主義爲首要。夫民爲邦本，本固則邦寧。方今列強人口俱迅速增加，而我國人口則日見減少，人口之壓迫，……已不堪忍受，而帝國主義者，藉不平等

條約爲護符，輸入鴉片，又使我日見減少之民族，精神體格，復日趨於衰弱而滅亡，其爲禍，較諸經濟侵畧及暴力壓迫爲尤甚。……而我國人苟猶嗜此，以自促其民族之衰弱與滅亡，其愚闇爲何如乎？

丙、對於國家之禍害

(一)引起戰爭，危害國本。——帝國主義之惡勢力隨鴉片侵入我國後，又利用國內軍閥，以遂其巧取豪奪之野心；於是先有袁氏之帝制自爲，後有武人之擁兵割據。兵多餉絀，

則仰給於種烟，互爭烟稅，則取決於干戈。十餘年來，內戰頻仍，國本搖動，與鴉片之關係，往往有線索可尋。据外人調查，波斯土每年輸入中國有六千箱，其他印度土，土耳其土，稱是。皆由軍閥保護輸入，每箱索賄數千元，大利所在，安得不爭。由此可知鴉片實爲歷年軍閥禍國病民之導火綫。

(二)毒物入口，利權外溢。——自一八四二年鴉片戰爭失敗後，訂南京條約，割香港於英，賠款二千一百萬兩，開放上海廣州福州寧波廈門五口爲通商口岸，開一切不平等條約

之先河。鴉片及其他麻醉藥品輸入之量，遂與年遞增。據民國十五年海關調查由印度輸入大小烟土被江海一關破獲者，有四千餘萬兩；由波斯輸入之紅土，有一千八百餘萬兩；至嗎啡高根海洛英等由德、法、瑞士、日本等國輸入者，亦有一百餘萬兩。就大連一處而論，外國鴉片從大連運進者，有六十九萬八千八百九十七兩，價值在百萬左右，其他別處秘密運入，尙不在少。以此爲證，可知歷年來我國爲鴉片毒物之輸入，流出金錢年將一萬萬元。此種巨大之損失，皆我人

民脂膏，設以之發展農工商業，啓發利源，則國家經濟，必有振興之望，爲振興實業計，爲挽回利權計，俱須澈底禁絕鴉片及其他入口之毒物。

(三)減少生產，影響民食。——前此禁政廢弛，農人或由軍閥勒逼，或因自貪小利，多將良田沃地，改植鴉片。鴉片之產量既增，蘇麥稻粟之產量自減，即此已足使糧食缺乏，價格飛騰，故我人民生活艱難，餓饉頻見，此亦一因也。夫我國素稱以農立國，天府之邦，而民食不足，乃仰給於外洋

，可恥孰有甚於此者！然種烟妨害民食固大，而妨害生產尤大，查全國烟民約共三千餘萬，此等烟民，皆爲不事生產，徒事消費之蠹蟲，生之者寡，用之者衆，國家經濟，遂蒙極大之損害，似此情形，無論國家如何富足，亦必漸次貧弱。矧今日之中國，資本短少，經濟落後，已至極點乎！

三、禁烟運動史畧

(1) 滿清末年禁烟之失敗。——鴉片之輸入我國，遠在滿清中葉，實帝國主義者滅我種族之陰謀，稍明事理者，類能

道之。惟當時清廷昏庸顛預，人民亦懵然罔覺，至任所欲爲，毒溥海內。直至滿清末年，乃有黃爵滋林則徐等起而倡議禁絕，喚起朝野之注意。經黃氏屢次之奏請，始限一年六月禁絕。林則徐亦力向清廷力陳鴉片之病民害國，旋奉派赴粵禁烟，有泥之者，林曰：『死生命也，成敗天也，苟利社稷，不敢不竭股肱！』到粵後，即先嚴辦包庇洋土之貪官污吏，籍沒其財產，焚燬其毒物。凡英人運烟入口者，均按律嚴懲，因與英人發生衝突。英人率艦來攻，林嚴陣以待，不得逞。

乃轉攻江浙等省沿海，當時內政腐敗，兵力單薄，屢戰屢敗，朝臣彊吏，不諳外交大勢，皆歸罪於林；林乃被斥去職，禁烟之舉，因亦中止，至可惜也。此爲初期之拒毒運動，其失敗之故，乃由清廷對烟禍無澈底之認識，對禁烟無切實之辦法，人民亦認此爲政府之事，與己無關；以致此少數明達之官吏，竟至孤立無援，一籌莫展，而烟毒之流行，乃視前加甚。此誠我國歷史上最可痛心之事。

(2) 民國初年禁烟之經過。——自林則徐禁烟失敗後，印

度鴉片，免稅入口，充斥國內。愚民貪圖厚利，復紛紛自種鴉片，烟禍蔓延，不可收拾。清廷逼於輿論，乃於光緒卅一年與英國訂十年禁絕之條約。雙方遞減鴉片之輸入及種植，英人將印度鴉片逐年遞減十分之一，我國亦取締國內種植之鴉片，至十年期終，雙方一致禁絕。自是以後，清廷頗能履行條約，嚴厲執行，國內烟禍，因以稍殺。民國成立，繼續努力，雷厲風行，至民國五年，全告肅清，爲世界所公認。是年我國政府且不惜犧牲三千五百萬金，向上海英商購置存

土，付之一炬，以示決心。惜此後戰亂頻仍，軍閥紛起，各据一方，競相種運，致鴉片之禍，死灰復燃，燎原勢成，不可撲滅。推原其故，一方固由於軍閥之玩法弛禁，一方亦由於過去政府未了解鴉片問題之複雜與困難，祇以高壓手段，禁絕民間嗜好於一時，而未能在社會中種以深刻觀念，對烟毒之種子，作根本之剷除也。迨至政局一變，禁令稍弛，即又故態復萌，變本加厲矣。

(3) 民衆禁烟運動之勃興。——歐戰期間，因醫治傷兵之

用，鴉片麻醉品之需要大增，各出產國乃大事製造，以供需求。迨歐戰告終，毒物過剩，乃私運來華，以戕害我同胞，同時亦有軍閥強迫種烟，包運庇售，烟禍之烈，莫甚於此時。有識之士，奮起呼號，共作拒毒運動，前仆後繼，志不稍衰。如廈門之禁種烟苗會，江西之勸戒鴉片運動會，……等是也。惜無系統組織，收效未宏。民國十三年秋，國民拒毒運動崛起於上海，響應遍於全國，努力作拒毒之宣傳，主張重整烟禁，惜政府仍無積極的禁烟良策，致成效未大著。至十

七年九月，國民政府採取完全禁絕鴉片政策，開烟禁之新紀元，民衆之拒毒運動，與有力焉。

(4) 國民政府禁烟之設施。——國民政府奠都南京後，鑒於已往禁烟政策之空疏謬誤，烟毒流布之普遍迅速，不亟禁絕，國將不國；乃遵照 總理遺訓，毅然實施禁絕政策。既設全國禁烟委員會，以專責成，又開全國禁烟會議，廣集衆意。所決議案，率皆除毒之要圖。又制訂禁烟法，對種運售吸，皆加重治罪，其他如釐定麻醉藥品管理條例，以限制外來毒品

之輸入；訂定禁烟考績條例，以定公務員辦理烟禁之獎懲；訂定公務員調驗規則，釐定縣長履勘烟苗章程，期無偷植；又訂禁烟罰金充獎規則，獎勵告發人等等；均先後公佈施行。晚近蔣委員長受中央之付託，更努力於禁政之推進，期以軍法除盡烟毒。乃自南昌行營頒佈嚴禁烈性毒品條例，限期戒烟辦法等新條例若干種。務希百年之烟毒，一旦而廓清焉。

四、本省禁烟之設施。

(1)本省禁烟之原則。——查禁烟一事，久鮮成效。本省

今本國民政府及蔣委員長禁絕鴉片之意旨，設省縣禁烟委員會，以主持禁政；論者不察，或譏以爲勞而無功，或諷以爲別有企圖，揣測紛起，懷疑者衆。安知本省此次禁烟，實係抱有最大之決心，期以切實之步驟，務達徹底禁絕鴉片之目的。故江蘇省政府委員會第六三八次會議通過之江蘇省限期禁烟辦法大綱第一條，卽標明：『本省禁烟，以限期禁絕爲主旨。』本省各界民衆，當了解政府禁烟之原則，信任政府堅決之意旨，而有以協助之。

禁烟宣傳大綱

(2)本省禁烟之辦法。——本省禁烟辦法，要旨如省政府委員會通過之限期禁烟辦法大綱中所規定者。其各項詳密之法規，分別擬定，頒發各縣遵行，其要點，不外三端：

一曰，設立戒烟機關，使烟民能立刻戒絕烟癮也。省禁烟委員會成立伊始，即着手於各縣烟民及戒烟機關之調查與統計。從而籌劃：某縣應如何籌設戒烟所，如何聘用戒烟醫師，然後設置戒烟機關於各縣。烟民之具有戒烟決心者，至縣禁烟委員會履行相當手續，即可由縣禁烟委員會送入戒烟機

關，免費戒烟。其烟民之貧乏困迫者，亦可由禁烟委員會，依照條例，強其入戒烟機關，從事烟癮之戒絕。

二曰，訂有登記辦法，爲顧全事實困難，及從科學上統制上謀鴉片之逐步禁絕也。烟民之積習已深者，遽使斷癮，實爲事實所不許，予以登記期限，使得從容戒絕，此最合乎科學之原則者也。且登記之後，依烟民年齡之高低身體之強弱烟癮之深淺以爲逐年戒除之標準，此則又合乎統制之原則者也。至登記者，必使於四年之長期間中戒絕之；蓋恐爲

期太促，一旦限滿，罹刑者多，有失政府愛民之初意，此政府顧全事實之苦心也。

三曰，因禁烟而得之收入，決用於禁烟本身及地方建設事業也。過去政府之主持烟禁者，或不免假「寓禁於征」之美名，以禁烟爲斂財之手段，致使烟民致疑於政府之未能廉潔。此次禁烟，既不以籌款爲目的。其因禁烟而得之收入，自應用於禁烟本身。如有餘款，自當移供地方建設事業之用。其用途之支配，亦必公開於民衆，以明政府之無他焉。

五、人民對政府禁烟應持之態度

所望於民衆者：能體政府禁絕鴉片之決心，對禁政作共同之努力。茲謹述其對吸者種者販者運者售者及一般民衆之希望如次：

1) 對吸者。——吸烟者應知鴉片之爲害於個人民族國家者至大！苟不戒除，不獨個人之名譽地位事業將永無昭蘇之望，即民族國家亦必蒙其影響，而受莫大之損失。吸烟者更應知戒烟爲最愉快之事，戒烟可恢復健康，戒烟可振作精神

，戒烟可節省經濟，戒烟可造福家庭，戒烟尤可導人入光明之前途。其暫時不能戒絕之吸烟者，則應知登記爲政府「苦心孤詣」訂出之「仁至義盡」之方法，而切實遵行之。

(2) 對種者販者運者售者。——論者謂與烟禁爲敵者，非吸烟之人，乃倚烟爲生者也。倚烟爲生者，即種販運售之人是也。種販連售鴉片乃不正當之營業。私種、私販、私運、私售，更屬觸犯刑章。夫既有資本，何不經營他業？既有田地，何不佈種稻粟？捨正路而不由，乃獨甘冒不韙，以犯刑章

。何其愚也！此次禁烟，對私種、私販、私運、私售者，決軍法從事，處以嚴刑。願倚烟爲生者，毋輕以身供嘗試也！

(3)對一般民衆。——我國人素持「各人自掃門前雪，莫管他人瓦上霜」之格言，而不以管閒事爲然。故戚鄰友朋鄰右有吸食鴉片者，多澹然視之，不予勸告。實則不知鴉片之爲害，不僅害及吸者個人，民族國家皆受其害，易言之，卽不染烟癮者亦受其害也。吾國受烟禍已深矣，國已危矣，多難興邦，責在我不染嗜好之國民，固不應仍坐視烟毒之害我

禁烟宣傳大綱

三〇

同胞，烟毒之禍我民族國家，亟應起而協助政府，以謀江蘇禁烟之成功。

KBC
IG
0693.98
2